

գութեան չենթարկուելով՝ կործանուել է․
 քսան աչքից՝ մի աչքն է մնացել, որի քայ-
 քայուած առաստաղի տակ հանգչելը կամ
 դիշերելը ծայրահեղ վտանգաւոր է: Միջնա-
 բերդը, պարիսպները, դղեակները թոր-
 թումի մէջ այնպէս են կործանուած, որ այ-
 ցելուն հառաչում է այդ աւերակներին մօ-
 տենալիս, թէ շատ չնչին բան է տեսնելու:
 Բայց այնպիսի վեհութիւն ունի, որ այցե-
 լուն կարծում է թէ՛ առաջի մի ոստան է,
 մի իշխանական ապարանք, սակայն չքաւոր
 բնիկները անվերջ պեղել ու խախլել են հո-
 դերը աջ ու ձախ, որեւէ հին դրամ, կնիք,
 մատանի, զարդ, ճրագ, աշտանակ, կասկա-
 րայ, արձան-անդրի դտնելու յուսով․ որոնք
 անմիջապէս Եւրոպացիներին ծախել ու փող
 են ստացել: Քանդել ու փշրել են դռմէն-
 ները, կուրգաններն եւ գերեզմանները, իրենց
 նախորդների հանգստարանները եւ նպաստել
 են ժամանակին աւելի արագ կատարելու իր
 աւերածները: Սրբատաշ քարերով, կրով շա-
 ղախուած պատերն այնքան ամուր եւ կիրը
 քարացած է, որ շատ տեղ որմերը պահպա-
 նել են իրենց նախնական դիրքը:

Մի քիչ շեղուենք մեր նիւթից: Կրի
 գործածութիւնը մեր երկրում հաստա-
 տապէս կատարուել է Ուրարտացիների ժա-
 մանակ: Վանի միջնաբերդի պարիսպ-
 ները կենդանի ապացոյց են այդ փաստի:
 Պէտք է ենթադրել, որ այդ կիրը գործա-